



CANTIC

VAR



BUEZ SANT ISIDOR

Patron al Labourerien.

Var an ton ancien.

DRINET Santel, prosternet dirazoc'h d'an daoulin,
Me ho ped da rei graçou d'ho servicher indigu,
Da gomposi ur c'hantic en gloar hac en enor
Da Batron al Labourer, ar Zant bras ISIDOR.

C'hoant ha desir bras ameus, gant ar c'hraç a Zoue,
Da ziscléry d'ar Vretonet an tenor e vue
Al lec'h ma voa bet ganet, e gontre hac e vro,
E oberiou excelant, ivez e vertuziou.

Mes, Majeste adorabl, Doue, Roue an Trôn,
Tranquilisit va speret, ha tomit va c'halon,
Ha roit dlu hoc'h asistanc ebars em antrepris,
N'ouffen qet bea goassa, ervez ma meus avis.

Honont a guêr gaptal a Spagn, hanvet Madri;
E devoe an avantach guechal da brodui
Ebars en o fobourziou ur rosen precius,
An Autrou Sant Isidor, mignon bras da Jesus.

Bars en creis ar baourentez ec'h antreas er bed ,
Ha demeus ar baourentez e ressantas bepret ;
E guerent a voa roturier , a vadou dibourve ;
Mes leun oant a santelez hac a zoujañ Doue.

Representi a rejont , gant peb rejouissañ ,
Ar rejeton admirabl en templ gant dilijañ ,
Ha var fons-badiziant e visqas ar zê venn ,
Pehini n'en deus souillet biscoas e nep moyen.

Isidor ê bet hanvet , balamour d'an enor
A zougue ar Spagnolet d'eur zant all Isidor ,
Escop bet e Seville , pa voa var an douar ,
Hac erfin eus e vue recompanset er gloar.

E dad a voa sourcius , e vam a voa ive ,
Da instrui Isidor el lezen hac er fe :
Carante hac union , exempl mad ha doctrin ,
Eo a rê an ornamant eus o bue divin.

Ah! pebes contantamant da un tad ha d'eur vam,
Cavet digant un Doue ur buguel qen divlam !
Qen douç , qen oboissant , qen pur ha qen parfet,
Qen humbl , qer carantezus , qen docil , qen caret.

Pa deuas sqient dezàn , ec'h offras da Zoue
Ar facultou santel demeus e oll ene ,
E volonte , e speret hac ive e vemoar ,
Hac e vuez en antier da bossedi ar gloar.

Ar sonjesonou frivol ne gavent qet a blas
E speret Sant Isidor , dont a rê d'o bargas ;
E galon oa siellet , na elle mann antren
A guement a oa control d'ar fe ha d'al lezen.

Ar sansou eus an natur oa gantàn reglet mad,
Eus an enoriou mouden ne rê qet a etat;
En ur güir, goell oa gantàn mil ha mil guech mervel,
Eguet dont da gometi james pec'het marvel.

Pa deuas gallout dezàn, hac én cresqet en oad,
E tilezas e famill, e has da labourat;
Evel ma oa ezomec eus a vadou ar bed,
E renqas mont da gopra evit gounit e voued.

Evit gallout substanti ha beva e famill,
Eu em laqas da vevel e ti un dijentil,
Da di an autrou Vergas, eus ar guër a Vadri,
Den a galite huel, e has da servichi.

Ebars er profession demeus a guir Gristen
Oa fidel ha punctuel da viret e lezen :
Ebars er profession demeus a Labourer
Oa fidel ha punctuel da ober e zever.

Pell qent an de e save Isidor bep mintin,
Ha dirac ar grucifi prosternet d'an daoulin,
Gant ur barfetet ampar a gorf hac a galon
E rê d'an Autrou-Doue peden hac oréson.

Hoguen dre ur jalousi d'e vestr voe accuset
A enep guir ha rêson gant e gamaradet
Da vea lach, fencant, disourci, dibreder,
Ha na rê bemde c'houlou nemet coll an amzer.

Toret é oll, emeze, o c'horf gant al labour;
Ne brise qet Isidor donet tam d'o zicour,
Nemet bea red-dired bemde d'an ilizou,
Hac ober e hiprocrit, laret chapeledou.

Ar mestr evel ma clêvas an accusation,
A laras gant garantez : Isidor, va mignon,
Me ne meus qet ho caget da laeres an amzer;
Rac-se bezit fideloc'h ur vech all d'ho tever.

Isidor a respontas gant un drêm gracios :
En despit d'an oll valiç eus an dud anvius,
Me servicho da guenta Jesus, Mab da Vari;
Ennàn ema va fisianç, va support, va appui.

Un deiz e c'has Isidor d'e labour divezat,
E vestr hac e partia d'e visita timat :
Eruet tost d'ar mezou, e velas daou æl guenn
O cundui au arer bars en creiz an dachen.

E vestr a laras neuze, sêsisset gant eston :
Faus ê, evel a velân, an accusation;
Me voar dre experianç ê faus an oll glê mou
Zo grêt din a Isidor abeurs ar goal deodou.

Davantach c'hoas d'ar goude e vestr voe tourmante
Dre an nerz eus an domder er parc gant ar sec'het;
Mes Isidor en douar e c'harzou a blantas,
Hac eno, dre c'hraç Doue, ur feuteun a savas.

Unan eus a vugale e vestr qer a varvas,
Gant ur c'hlévet violant, hac en resuscitas :
Qer bras voa e garantez en andret ar beorien,
Ma multipli ar bara da rei an aluzen.

Un de pa yê d'ar vêlin hac ur sac'hat ganta;
Dre ur scoulat morfontus e lêzas da scuilla
An anter eus e sac'hat da rei d'al lapousset,
En un andret en devoa an erc'h disoloet.

An dud pere a voa gantàn a gommanç da c'hoarzin,
Da ober goab anezàn; mes Doue qent ar fin
A recompanç Isidor, a bê e garante,
Rac carguet voe e sac'had dezàn gant larguente.

Pa voe en oad avancet, vardro un trêgont vla,
E choasas evit pried Mari a Gabeza,
Ur grouadurez parfet hac a gare Doue,
Hac en deussàn servichet gant peb fidelite.

An ên a roas deze erfin ur c'hrouadur,
Carguet a avantachou a gostez an natur;
Mes ar maro diremed, dre ordrenanç Doue,
A greis ar fleur eus e oad en lamâs digante.

Goude deced o buguel, ar rest eus o buo
E conclujont assambles miret ar chastete;
Ar yun, hac ar bioijen, ar peoc'h, an orêson,
Voa nouritur o ene, plijadur o c'halon.

Goude beza cunduet pel-amzer assambles
Ur vues ireprochabl ha leun a santelez,
Pried santel Isidor a rentas he ene
Etre daouarn ar Verc'hes, ar Zent hac an Æle.

Ebars en ompinion à Zantes e varvas,
Doue en e fersonach a rê miraclou bras,
Hac ar bez e pehini voa e c'horf enterret,
A voe gant ar bobl christen a bep tu enoret.

Ous an disposition, ar sêson, an amzer,
Eus ar glo pe a sec'hor, en Spagn en e feder,
Rac e touguer en ezom er Processionou
Gant calz demetis a brofit bepret he religou.

Allas ! cetu Isidor e-unan dilezet,
Cetu maro e vuguel ; ha maro e bried ;
Cetu montret e galon gant qeus ha gant anui,
Tristidiguez, huanad, glac'har ha melconi.

Elec'h dont da hirvoudal ha da scuilla daëlon,
Evel ma zê ar c'hustum bars e sort rancontrchou,
E souffr gant patientet e boan hac e anqeu,
Hac o sellet an évou e parlant evellen.

An arret so positif, ur vech ê ret mervel,
Renta hor c'hont da Zone, ar bed-màn dilezel.
N'en dom qet deut assambles, na n'e dimp qet ive :
An eil christen a renqo liena eguile.

Mab uniq an Eternel da guenta a varvas
Hep e veza meritet, guechal var al Lamgroas ;
Biscoas aboe ar maro na bardonas da zen,
Nac a dra sur ha certain na bardono bigen.

Hon amzer var an douar n'en dê mert un ure,
A boan voar deut, na ranqer partia adare :
N'en deus netra permanant, qement zo a dremen
Ebars en eur bêr instant evel eur vogueden.

Me offr déc'h, o va Jesus, va glac'har, va zourmant,
Bars er gloar hac en heonor d'ho Passion sanglant :
Cetu me brêma chommet, allas ! digompagnon ;
Ennoc'h emàn va fiziañç va c'honsolation.

C'houi crouer d'an évou ha crouer d'an douar,
Infinit en majeste, hac infinit en gloar ;
Mestr ha Roue absolu demeus ar firmamant,
Qement tra so en antier ouzoc'h apparchant

Goude beza anduret bars epad e voe
Calz a boan hac a fatiq, e plijas da Zoue
Er fin dont d'e retira eus ar bed trubuilus,
Evit beza en êvou da james evurus.

Er bla mil cant tri-guënt ha dre vloas c'hoas gante,
Ebars en guir penitant e rentas e ene,
Goude beza recevet e oll sacramanchou,
Exortet e vignonet, ha grêt e adieuou.

E gorf a voe enterret gant calz a velodi
Bars en berret Sant Andrean er guær eus a Vadri.
Nombr bras a belerinet a deu ato bemde
Da implori e sicour, da visita e ve.

Eun daou-uguent vloas goude en em aparissas
Da un Itron vertuzus, ha dezi e laras :
Procurit d'am c'horf, Itron, ur plaç enoraploc'h,
Ha dirac ar Vajeste m'em bo sonch ac'hanoc'h.

An Autrou a Toledé gant nombr a vèleyen,
Var ar plaç, a zisqennas ar stol en e guerc'hen :
Pa voe fouillet an andret ma voe bet enterret,
E gorf hep corruption en antier voe cavet.

Qement fleuren en antier a gresq er jardinou,
Pa deu an nevez amzer gant o oll parfumou,
Ne roont qet assambles ur c'hoes qen excelant
Evel a rentas neuze ar c'horf demeus hon Zant.

Gant calz a zevotion ha calz a vodesti,
Voe bed a nos transportet da Ilis vras Madri,
Bars en Chapel an Escop, en Ilis Cathedral,
Elec'h ma touguer dezàn un enor special.

Ebars en dranslation eus e gorf precius ,
Voe grêt un nombr infinit a fejou merveillus ,
An oll gleyer o-unan da son a gommanças ,
Da galz a dud afflijet ar yec'het a roas.

Dre gontinuation e rê bemde c'houlou
En andret e vignonet nombr bras a vurzudou ;
D'ar mud, d'an dal, d'ar bouzar ha d'ar paour impotent,
Ouz e bedi gant fizianç, e roe soulajamant.

An drouc-speret a glasqas un nos precipita
En finfond an abimou un den devot deza ,
Abalamour ma veve bars en pec'het mervel ,
Ha ma voa dre-conseqant d'e Zoue infidel.

Ar Zant o aparissa a deu da chasseal
An diaoul trist ha confus d'e brisoniou teval ,
Ha gant ur voes a zouçter a bedas e vignon
Da ober incessamant ur guir gôvession.

Ur fumelen afflijet seiz vloas gant ar c'hlévet,
Isabel voa he haco , ha Tellez lezhanvet ,
O visita'r sepulter eus ar Zant glorius ,
A recevas ar yec'het a drugare Jesus.

Sant Isidor o tonet den em apparissa
D'un esclao eus an Turki en errol o veva ,
En inspiras da renonç a grenn d'e falz lezen ,
Ma teuas da embrassi hini ar gristenien.

Pêvar den clân afflijet gant clévet corporel ,
Rentet en extremite en danjer da vervel ,
O touch hepquen al lien en devoa lienet
An Autrou Sant Isidor , o devoa ar yec'het.

Cessomp bremân , va fluen , ha lezomp a goste
Ar rest eus e viraclou , rac calz zo aneze :
Ma ve ret deomp en antier donet d'o recita
Na vemp get prest er vech-mâ da zont da finissa.

Nê get eta hep rêson , nac hep bout meritet
E teuas ar pab Gregor , a hano pemzecvet ,
Da laqat var cathalog ar zent all glorius ,
An Autrou Sant Isidor , favori da Jesus.

Cetu echu an histor gaer demeus e vue ;
Imitomp oll anezi gant fe ha carante :
Mar heuillomp e exemplou hac e vertoziou rar ,
E vezimp oll evurus un de hep laqat mar.

Tosta amân , den impi , ha yen eus a galon ,
Deus da scol Sant Isidor , disq ober orêson ;
Gra dre imitation bep nos ha bep mintin ,
Da exerciç a Gristen humblamant d'an daoulin.

Tad superb ha colerus , touerien da Zoue ,
Heuillit douçder Isidor hac e humilite ;
Pe seurt profit hoc'h eus-u diouz ho blasfê mou ,
Nac oc'h enoriou mouden , nac oc'h oll bombançou .

Un habitud criminel a so ebars er vro ,
Da brofani alies ar Suliou , ar Gouëliou :
Isidor o implije da servicha Doue ,
Oc'h exerci an euvrou demeus a biete.

C'houi , bugale dinatur en andret Mam ha Tad
Perac oc'h-u qen cruel , qen cri , ha qen ingrat
Isidor a voa docil bars en qever e re ,
Ouz o zrêti gant enor , respet ha carante.

Peguenlies e pec'her siouas dre injustiç,
Dre anui, dre gourmandis, ha dre an avariç?
Isidor a bratige ar vertuziou contrel,
Hac a rê d'ar viçou-mâ bep moment ar brezel.

Eur re benac a laro : va foan so re galet
Evit gallout observi ar yuniou comandet ;
Isidor a observe gant ur galon joaüs,
Nonobstant e fatigou ha labouriou grevus.

Yaouanqis, bezit modest ebars en ho tillat,
Me ho conjur da veva bepret herve ho stat,
Isidor a voa contant eus e gondition,
Ar gloar voe poeson dezàn, ar bed-mâ ur prison.

Ma carfe al Labourer bemde var e labour
Qemeret Sant Isidor evit e vezilour,
E velfemp ar vedisañç, ar c'homzou goloet,
Souden en guir charite ha purete chenchet.

Mes na veler, er c'hontrel, nemet ambition,
Finesse, ha trompleres, ha pep seurt trahison :
Ar bed-mâ ê hon idol, ar c'hig, an ærouant,
Ha na sonch qasi nicun ebars er jujamant.

En ân, pa zân da bourmen var bord ar meneziou,
Ne glévàn nemet dispat, dre oll bars er parcou,
Medisañç, tamaleres hac injurius piqant,
Blasfémou, leoudouet, chansoniou insolant.

Cetu aze ar motif, ar sujet, ar rêson,
A denn coler ha venjañç Doue, Roue an Trôn,
Hac a rent infructuus ha vên an oll boaniou
A souffr al Labourerien bemde er c'hampagnou.

En eur dremen, selaouit eur guelennadures,
Mar doujit ho coustianç hac ho silvidigues,
Dilezit ho coal vue, ha pratiqit ar mat;
Allas! goude ar maro e vezot divezat.

Na gollit qet a gourach, resistit constamant
Ouz an tentationou demeus an ærouant,
Suppliit Sant Isidor da zont d'ho proteji,
Hac e vezo hep douetanç déc'h oll guir minic'hi.

En paros Pleudaniel, escopti a Dreguer
Bars en douar an Autrou ar Marqis Pelletier,
En ur Chapel dediet da Santez Helena,
Ema portret Isidor; deut oll d'e vizita.

Bep lun Fasq ar Pantecost, dre gonje hon Prelat,
E rêc eno ar memoar a Isidor hon tad;
Na douetan qet na deuy ar bobl en afluanç
En deiz-se d'e saludi gant pep sort reveranç.

Un nombr bras a viraclou a ra Doue dreizàn
D'ar re a deu d'ar Chapel evit e visitàn;
Rei a ra pep plijadur ha consolation
Da guement deu en antier en ped a vir galon.

Un den ar principala eus a Pleudaniel,
Tremen a ràn d'ar silanç hep donet d'e hevel;
En devoe un accidant a greiz e joaüsdet,
Al lun Fasq ar Pantecost, ur bla so tremenet.

Var dro nao heur-anter voe hep comz na qerzet
Ar bed oll en condaone hac ar vedeciniet,
Pa voe goestlet d'ar Chapel, e commanças parlant,
Ma recevas ar yec'het dre veritou ar Zant.

Ur buguel bian hanvet Mazeau an Hegarat ;
Mab Ezuant , ha Fant Callec aus a Enes Briat ,
En em vezas dre valeur en ur varazad dour ,
En gouelen diveza , hep gallou caout sicour .

Pa voe entre e divrec'h gant e vam astennet ,
Qement den e voa presant en crede decedet ;
Mes Doue hac Isidor o deus bet imploret ,
Hac o buguel en instant a so ressuscitet .

Dre un destin maleurus , Fant ar Borgn a Dreguer ,
E deus laget c'hoec'h buguel , allasl bars en lumier ,
Hep beza bet ar boneur da receo badiziant ,
Nonobstant e oll fatig , e foan hac e zourmant .

En em gavet ê brazes na divar ar seizvet ,
D'an Autrou Sant Isidor ê bet en em voestlet ,
Ha dre e brotection e qichen hor Jesus ,
E deus bet ur guilioud hac a so evurus .

Guillarm Janvier , habitant eus a Pleuveur-Gotier ,
Var ar guele aflijet gant clénvet ha miser ,
O veza en angoni , gant an oll condaonet ,
Pa voe goestlet d'ar Chapel en devoe ar yec'het .

Eur buguel a Peuverit , impotent er c'herset ,
O visita Isidor a so bet goellaet ,
Diaguent ne remue nemet var e flac'hou ,
Neuze e yas e-unan hac o lezas eno .

Eur buguel a Pleuvian , o chom bars en arvor ,
Goelc'het gant dour vertuzus feunteun Sant Isidor ,
Eléc'h ma voa diaguent notet ha daoubleguet ,
En deus , dre c'hraç un Doue , recevet ar yec'het .

Un nombr bras a viraclou en deus c'hoas operet
Aboe ma zê er c'hanton gant ar bobl invoqet ;
Ma ve ret o racontu oll en particulier ,
E teufet da ramplissa nombr bras eus a baper.

Poent bras ê demp finissa hep avanç davantach
Arretomp amâ bremân , concluomp hon ouvrach
Mar leqeomp en pratiq ar pezo on eus scrivet ,
E vezimp er Barados un deiz oll curunet.

Supliomp a vir galon hon Tad Sant Isidor ,
Da veza hon Avocad hac hor guir Protector ,
D'hon presanti da Zoue en articl ar maro ,
Ha da c'honit ar victor var an oll diaoulou.

Dirijomp oll hon moeziou d'en pedi assambles
Da apesi un Doue-irritet qellies ,
Da zivoal hon c'horf ato , da zivoal hon ene ,
Ha da veva direproch ar rest eus hor bue.

Deut etat , oll Vretonet , deut oll a bep canton ,
Deut da Zantes Helena da bedi hor Patron ;
Rentit dezàn hoc'h homach , hoc'h henor , ho respet :
Mar en pedit gant fianç e vezot sicouret.

Sant Isidor so ive en Ilis Plouigno ,
Guir Batron ha guir Vignon Labourerien peb bro :
Deut d'en pedi , Bretonet , eus a greis ho calon ,
Hac o pezo gant Doue e venediction.

FIN.



GUERZ

VAR UR PLAC'H A-VEPRISAS E ZAD HAC E MAM.

Var ton : *Guerz an Danserez.*

CLEVIT, còs ha yaouanq, selaouit, Bretonet,
Un exempl pitoyabl eus a ur plac'h debordet,
Pehini a veprise e Mam coulz hac e Zad,
Doue e funissas en compagneuz vad.

E c'horf a voa galant, merc'h voa d'eul labourer,
Ouspen ma voa gloriüs, meurbet e voa fier,
E zad eus e vicher a voa ur vigneron,
A chome e qichen ar gaer eus a Chalon.

Evel ma voa plac'h coant, balamour d'e guenet,
Un den a galite en deus-hi eureujet,
En devoa nombr a vadou hac eus a binvidiguez,
Ma voa re absolu p'oe laqet da vestres.

Aben c'hoec'h vloas goude m'oar plac'h-mâ eureujet,
E zad ive e mam a voa paour bras rentet;
Hac int sòjal o daou dont d'en em resolvi
Da vont da di o merc'h en esper chom ganti.

Pa errujont en e zi o deus-i goulennet ,
O sonjal gant joa vras e vijent recevet ,
O tislêrya penaus voaient e mam hac e zad
Ma teu o merc'h debordet ractal d'o scandalat.

Ar paour qès a dad , o clasq en em sicour ,
A dennas prest e doq : bonjour, va merc'h, bonjour,
E mam a zaillas pront evit e ambrassi ,
Mes boutet voe ganti ractal var leur an ti.

Sortiit , emezi , hac it prest alesse ;
Me ne meus qet a dud hac a ve qer paour-ze ;
Mez ameus ganéc'h-u , fê eo din-me clêvet
E vec'h diu tad a mam ; mes n'ho couzanvan qet.

Evel ma voa , nos-du e houlenjont loja ,
Balamour da Zoue , er c'hraou da viana :
An ingrates neuze a ordrenas ober
O c'has eus e bisach pront da di e fermier.

Rei a ras en e zi fest ha bal an nosves ,
En amzer ma edo e zad e mam ivez
Er c'hraou var ar c'holo gant naou en o c'halon ;
Goude rei o danves d'e laqat da Itron.

Mes Doue ne fell qet dezàn e ve netra cuzet ,
A bermet en nòsves-màn ma vije punisset :
Qeit ha m'oa o tansal memes e creiz an danç ,
Gant e c'hompagnunez , e varv en o fresanç.

Cetu aze ar fin eus ar plac'h ingrates ,
Goude meprizout e zud. M'ho ped , laqit eves :
Calz a ra evel houmàn , rac beza zeus merc'het
N'o deus evit o zud nac enor na respet.

M'ho ped , abeurs Doue , oll bugale yaouanq ,
D'ho tadou , d'o mamou bezit oboissant ;
Douguit enor dezo ha deut d'ho respecti ,
Jesus ne vanqo qet dont d'ho recompansi.



FIN.



E Montroulez, e ty LÉDAN, rue ar Pave.